

humum, sic nuncupatum distinctionis causa; ut se-  
cernatur anterius quod suscipitur in hac vita, a  
posteriori quod non subitur nisi post obitum,  
et prius illud vocari potest viatorum, seu præ-  
cursorum, istud vero posterius periodale, post-  
vitale; sive (ut significantius loquamur), posthu-  
mum; plenius ita distinguimus, quam si unum vo-  
cemus extraordinarium, nempe hoc quod viventes  
concernit, et alterum ordinarium, quod ad mortuos  
spectat. Nam etiam post mortem datur ordinarium,  
et extraordinarium, prout ex aliis supra produxi-  
mus, nam quando in loco proprio et definito prope  
limbum et marginem barathri damnatorum, juxta  
umbilicum terræ exercetur purgatio animarum,  
quaे corporibus soluta sunt, fieri hoc proxime dici-  
tur in purgatorio ordinario; quando autem extra  
illos limites, in balneis, cavernis, vel angulis aliquisque  
recessibus, in quibus animæ, quaे expiantur, au-  
diri possunt, vel adiri a mortalibus, jam dicitur illa  
expiatio fieri in loco extraordinario.

68. Si vero istos terminos ordinarii et extraor-  
dinarii non ad locum referamus, sed ad tempus; ut  
purgatio illa quaे fit post mortem, dicatur tempore  
ordinatio fieri, juxta ordinarium cursum et mensu-  
ram temporis, cujus ornes qui moriuntur in gra-  
tia, et habent aliquid luendum post hanc vitam,  
possunt et debent esse participes; altera vero illa  
purgatio, quaे extraordinarie tanquam ex privilegio  
conceditur, in hac vita his qui se obligant ad  
subeundam pœnitentialem illam cavernam, quaे ex  
prærogativa et precibus sancti Patricii designata,  
et certis terminis definita est; quin illo sensu, hæc  
expiatio dicatur extraordinaria quoad tempus, nihil  
videtur absurdum habere.

69. Et hujus quidem purgatorii, quoad tempus,

A ut dictum est, extraordinarii, materia purgandi ad-  
æquata potest esse reatus omnis pœnæ, et omnes  
omnino sive novi, sive nexus, qui per virtutem pos-  
nitentiae, et per actum contritionis deleri possunt,  
aut dissolvi in via. Neque enim qui sic extraordi-  
narie purgantur, comprehensores sunt, aut in gra-  
tia vel charitate confirmati: sed viatores in stadio  
væ, ac vite mortalis constituti; in statu etiam me-  
rendi ac demerendi absolute positi. Tametsi inter-  
cessione sancti illius titularis, quem diximus, ejus-  
que singulari patrocinio freti piam spem concipere  
possint, si suas expleant partes et pœnitudinem pec-  
catorum, qua decet ac licet sedulitate exerceant,  
majoribus gratie auxiliis sese fulcidos et corro-  
borandos, ne vel in vita ruant in lethale peccatum,  
B vel post vitam in damnationem, aut saltem si labi  
contingat ex humana fragilitate, non migraturos ex  
hac vita impoenitentes.

Multum vero illustrare potest hanc de purgatorio  
sancti Patricii sententiam opinio illa quorumdam  
doctorum de cœmeterio S. Andreæ per D. Grego-  
rium consecrato et privilegiato, itemque de anima  
Trajani, ejusdem precibus liberata, quam D. Thom-  
as videtur sequi, tametsi ab aliis ultraque sit im-  
pugnata, de qua nihil attinet impræsentiarum dis-  
serere. Contenti erimus nostram et majorum as-  
sertionem pie modesteque tueri, relinquentes interim  
aliis suum sensum et judicium. Nam si uniuersus ar-  
denter velimus altercari, rationes ac conjecturas  
probabiles pro demonstrationibus (quas res sonjecta  
patitur) obtradamus, aut certe demonstrationes  
quia, pro demonstrationibus propter quid, urgeamus,  
et ingeramus, ab aliis qui moderationis ingenii sumi,  
tanquam immodisti, nimiumque nobis præsidentes,  
redargui periclitabimur (3).

(3) Vide historiam vicecomitis Hispani de hoc purgatorio apud Philippum O. Sullevanum in com-  
pendio Historiæ ecclesiastice Hibernia.

ANNO DOMINI MCXLV-LIII

# EUGENIUS III

PONTIFEX ROMANUS

## NOTITIA HISTORICA

(MANSI, Concil., XXI, 621)

Eugenius, natione Pisænus, vir religione ac sanctitate conspicuus, creatus est pontifex anno Domini  
1145, tempore Conradi imperatoris. *e* Hic, inquit Otto Frisingensis lib. vii, cap. 31, in principio dignitatis  
suscepit, eo quod, auctore Arnaldo, populus ad tradenda Urbi regalia, sicut antecessores suos, ita ipsum  
solicitare vellet, cum episcopis et cardinalibus Urbe cedit, ac proxima Dominica in monasterio Farfensi,  
consecratione pontificali, ob persecutionis inumanitatem morem mutans, sublimatur. Ad hunc papatum  
Eugenium venerabilis Bernardus abbas Clarævalleensis librum *De consideratione sui quatuor distinctionibus*

ordinatum conscripsit, in quo perfectæ vitæ ac subtilissimi ingenii perspicuitatem evidentissime demonstravit. Nam idem apostolicus, prius Bernardus dictus, et primum vicedominus Pisanus, ac deum in Claravalle, omnibus mundanis pro Christo spretis, ejusdem venerabilis Bernardi abbatis discipulus effectus, ac ab eo postmodum monasterio Beati Anastasii. Cisterciensis ordinis, in urbe Roma abbas prælatus, summus pontifex, ut prælibavimus, constitutus. Inde post consecrationem, furorem populi Romani declinans, ad munita loca se transtulit; postque, Viterbiuni veniens, ibi per aliquod tempus moram fecit. At Romanus populins cum patricio suo Jordano in furorem versus, præfecturæ dignitatem aholentes, omnes principes ac nobilis ex cibibus ad subjectionem patricii compellunt; et non solum quorundam illustrium laicorum turres, sed et cardinalium ac clericorum domus subruentes, prædam immensam diripiunt. Ecclesiam etiam Beati Petri, omnium ecclesiarum caput, incastellare sacrilege ac profanissimo non metuunt: peregrinos causa orationis advenientes ad oblationem, questus gratia, plagiis et verbibus cogunt, ac quosdam ex ipsis offerre nolentes in ipso portici et vestibulo templi nefario ausu occidere non verentur. Quos venerabilis pontifex, percesso prius cum quibusdam fautoribus suis anathematis gladio Jordane, adjuncta Tiburtini Romanorum antiquis hostibus militia coercuit, tandemque pacem petere coagit. Quam pacem eo tenore dedit, ut patriciatus dignitatem exfestinarent, et prefectum in pristinam dignitatem reciperent, senatores autem ex ejus auctoritate tenerent. Sicque in Urbem rediens, Nativitatem Domini celebravit.

Ex Anglia ad Eugenium papam recens creatum venit Alexander episcopus Lincolnensis, qui benigne acceptus est ab ipso Eugenio papa, cuius benignitas et affabilitas mirifice commendatur a Rogero in Annalibus, ubi haec habet: « Eodem anno episcopus Lincolnensis Alexander, iterum Romanus petens, suscepit honoris ab Eugenio papa novo, viro summa dignitate condigno, cuius mens semper benigna, cuius discretio semper æqua, cuius facies semper non solum hilaris, sed etiam et jucunda. » Haec de Eugenio Rogerus, hujus temporis scriptor accuratissimus.

Tunc quoque temporis, cum Viterbi Eugenius consistaret, Orientales ex Armenia atque Syria legationes accepit, prout ab eo qui præsens aderat, Ottone, qui et ea quæ vidit etiam fidelissime scripsit (*Chronic.* l. vii. c. 32, 33), refertur his verbis: « Ea temestate legali Armeniorum episcoporum, eorumque metropolitani, quem ipsi Catholicum, id est universalem, propter insitum, id est amplius quam mille episcoporum sub se habeat numerum, vocant, legati ab ultimo pene Oriente sumnum pontificem Viterbi, laboriosum iter per annum et sex menses compleentes, adeunt: eique ex parte illius ecclesiæ subjectionem omnimodam eum consulatando offerentes, causas viæ nobis cum aliis multis præsentibus apud veterem aulam aperiunt, quæ tales erant. Inter ipsos et Græcos quedam de ritu sacrificii habitudo est in quibusdam, in aliis vero discrepantia: ponunt enim fermentatum panem, sicut illi; aquam autem vino non admiscent, sicut nos, et illi. Præterea Nativitatem Domini Epiphanie continuantes, duas illas festivitates unam faciunt. Pro his et aliis, dum inter se dissenserint, Romanæ Ecclesiæ judicem eligentes, consultum veniunt, formamque sacrificii juxta consuetudinem ejus sibi tradi depositum.

Quos Romanus antistes gratarter suscipiens, missarum solemnis ac sacrificii secretis adhibuit, diligenterque ea quæ libebant ibidem eos animadvertere moxuit. Quod dum sacerdent, intentique sacro altari astarent, unus ex eis pontificali dignitate prædictus, sicut postmodum in plena curia retulit, in Beati Martini octava, quando dedicatio ecclesie Beati Petri celebrari solet, summo pontifice divina mysteria agente, splendido fulgore radium solis super caput ejus coruscare, et in ipso duas columbas ascendentibus et descendentes vidit. Cumque diligentius hac illaque oculos circumferret, nullumque aditum, per quem lux illa transfundetur, inventum, deificum hoc esse cognoscens, ac ad obedientiam Romanæ sedis amplius accensus, cunctis quæ viderat aperuit. At venerabilis Pater non suis hoc meritis attribuens, ipsius potius fide cœlitus hoc sibi monstratum affirmabat: ut videlicet Ecclesia, a qua ipse missus fuerat, sacramentorum virtutem veritatis luce perfusam cognosceret, ac deinceps quali ea reverentia et forma tractare deberet, addisceret. Retulit etiam præfatus episcopus quod in confluo Armeniae quedam gentes essent, quæ fetus suos felentes, eoque statim ad aquas Armeniorum lavandos transmiserent: quos cum illi baptismatis unda tingentes innatum eis fetorem propellerent, mox tamquam remissi, ad paganismi ritum et spurcitiam redibant. Quod utrum faciendum esset, item Romanam Ecclesiæ consuluerunt.

« Vidimus etiam ibi tunc prætaxatum de Syria Gabalensem episcopum, cuius præcipue opera ad plenum Antiochia Romanæ sedi subesse coepit, tamen de patriarcha suo Antiocheno, et de principis matre Baldwini Hierosolymitani quondam regis filia, querimoniam facientem, quam de spoliis Saracenis ablatis, jure antiquitatis, exemplo Abrahæ, decimas (qui eas, Deo recognoscens victoram, de suis spoliis Melchisedech dedit) exigentem, ac super hoc apostolicae sedis auctoritatem requirentem. Audivimus eum periculum transmarinæ Ecclesie post captum Edessam lacrymabiliter conquerentem, et ob hoc Alpes transcedere ad regem Romanorum et Francorum pro flagitando auxilio volentem. »

His auditis, Eugenius papa non curans quæ sua essent, sed quæ Dei esse sciret, non ad sui liberacionis exsillii adversus Romanos Occidentalium Christianorum principum armis convertenda putavit; sed adversus Saracenos res Christianorum in Oriente invadentes, et possidentes, fore moveada omni conatu, pontificia auctoritate laborat, prius omnium scribens ad Ludovicum Francorum regem: perfacile nasi que fuit ad religiosum opus impellere ipsum, qui iam venerat eandem inire ad sancta loca peregrinationem: de qua ista Otto Frisingensis (*De gest. Frid.*, 1, 34):

« Ludovicus, dum occulte Hierosolymam eundi desiderium haberet, eo quod frater suus Philippus, eodem voto astrictus, morte præventus fuerat, diutius protelare nolens propositum, quibusdam ex principibus suis vocatis quid in mente volveret aperuit. Erat tunc temporis in Gallia cornubii Claravallensi abbas quidam, Bernardus dictus, vita et moribus venerabilis, religionis ordine conspicuus, sapientia litterarumque scientia prædictus, signis et miraculis clarus. Hunc principes vocandum, ab eoque quid de hac re liberi oportere, tanquam a divino oraculo, consulendum decernunt. Vocatur præfatus abbas, consiliumque ipsius super prædicti exposcitur principis voluntate. Ille de tam grandi negotio ex propriæ auctoritatis arbitrio responsum dare, frivolum judicans, ut ad Romani pontificis audientiam et examen deferatur, optimum esse respondit. Itaque missa ad Eugenium legatione, totum illi negotium aperitur. Qui, antecessorum suorum exempla revolvens, quod videlicet Urbanus hujusmodi occasione transmarinam Ecclesiam, duasque patriarchales sedes, id est Antiochiam et Hierosolymam, ab obedientia Romanæ sedis scissas, in pacis unitatem receperit, votis prædicti regis pro dilatando Christianæ religionis ritu annuit: auctoritate prædicandi, animosque cunctorum ad hoc coinvovendi, prænominato abbati, qui apud omnes Gallicæ

Germanicæ populos ut propheta vel apostolus habebatur, concessa. Unde ejus scriptum hale ad regem principesque suos directum invenitur. » Hæc Otto.

Illa autem Eugenii epistola exstat infra.

Quid autem de pontifice actum? Utique quod Christus pollicitus fuerat, dicens : *Primo querite regnum Dei, et justitiam ejus, et haec omnia adjicientur vobis* (Matth. vi). Dum Eugenius laborat pro liberatione Terra Sanctæ, Deus expugnat inimicos ejus, Romanos ipsos, de quibus haec haec et idem auctor (Chronic., l. vii, c. 31) : « Quos venerabilis pontifex, percesso prius cum quibusdam fautoribus suis anathematis gladio Jordane, creato ab ipsis patricio, adjuncta Tiburtini Romanorum antiquis hostibus militia coecuit, tandemque pacem petere coegit. » Adeo ut Eugenius rediens in Urbem, ibi Natalem diem Domini solemniter celebrarit. De cuius ad Urbem regressu et ingressu haec idem auctor inferit : « At Eugenius cum Romanis hoc tempore pacem fecit, ut patriciatus dignitatem exfestucarent, abolerent scilicet : et praefectum, qui videlicet arbitrio pontificis eo munere fungeretur, in pristinam dignitatem recuperent, senatores vero ex ejus auctoritate tenerent. Sicque in Urbem rediens, Nativitatem Domini ibidem celebravit, incipiente anno Dominicæ Incarnationis millesimo centesimo quadragesimo sexto. »

In scripto autem codice Vaticano ita ingressus Eugenii in Urbem narratur. : « Factum est igitur, Dec auctore, gaudium magnum in tota Urbe ex inopinato accusu ipsius pontificis. Occurrerit ei maxima frequens populi multitudo cum ramis, ad ejus vestigia continuo accurrentes, post pedum oscula elevabantur ad oris oscula. Procœdebat signiferi cum bandis, sequebantur serinarii et judices. Judæi quoque non deerant tantæ latitiae, portantes cum humeris suis legem Mosaicam. Universus enim Romanus chorus psallebat in unum dicens : *Benedictus qui venit in nomine Domini* (Matth. xxiii). Sic itaque cum magno populi gaudio idem pontifex Lateranense palatum condescendere meruit. » Hæc ibi.

Parisios veniens, inquit Mattheus Paris, consecravit Petrum quemdam, Aimerici Ecclesiæ Romanae cancellarii nepotem, in archiepiscopum Bituricensem, contra Ludovici regis Franciæ voluntatem. Quod rex in injuriam sue dignitatis factum vehementer indignans, propositis publice sacrosanctis reliquiis, in praesentia multorum juravit quod archiepiscopus præfatus, quandiu ipse viveret, civitatem Bituricam non intraret. Sic per triennium regis persona subiacuit interdictio. In quamcunque civitatem, vicum vel castellum intrabat, suspendebatur celebratio divinorum. Tandem, Bernardo abbate Clarævallensi persuidente, ad hoc est cor regis inclinatum ut archiepiscopum reciperet, et pro transgressione perjurii Hierosolymam se promitteret prosectorum. Igitur per totam Galliam fit exactio generalis; nec sexus, vel ordo aut dignitas, quempiam excusavit, quin auxilium regi conferret. Ad instantiam sancti Bernardi Willelmum Eboracensis Ecclesiæ invasorem, per obreptionem a Cœlestino defensum daninavit et relegari mandavit.

« Treviros cum octodecim cardinalibus ad synodum venientem pontificem per tres menses propriis sumptibus Adelbertus, loci illius archiepiscopus, munificentissime aluit (Chronicon Hirsaugense). » — Per sanctum Bernardum impetravit a Conrado imperatore et Ludovico Francorum rege, ut Christianis in Asia contra Alcoranistas opem ferrent, et contra Saracenos expeditionem suscipiant, seque cruce signent. » (Trixus, lib. xvi, cap. 18.)

Cumque Tibur in annum secessum se contulisset, mortuus est vir justus et religione insignis, anno Domini 1152, mense Julio, ut ait Mattheus Paris, circa initium imperii Frederici primi, cum pontificatum gessisset annis octo, mensibus quatuor et diebus viginti.

De obitu ejus ista Baronius Annalium ecclesiasticorum tomo XII : « Octavo Idus Julii Eugenius papa diem obiit Tibure, cum sedisset annos octo, menses quatuor, et dies tredecim : de quo ista in veteri codice Romanum pontificum Vaticanicæ bibliothecæ : *Hic recuperavit Tarracinam, Setiam, Narinam, et arcem Fummonis, quæ a domizio beati Petri jamdiu alienatae fuerant. Hic unirit episcopatum Volitrensem cum Ostiensi et Sanctæ Rufinæ. Fecit hic ordinationes per mensem Decembrem, in quibus diacones decem, presbyteros undecim, et episcopos sexaginta unum creavit. Defunctus est apud Tibur dicta die octava Idus Julii, et inde per stratan publicam et medianam Urbem, atque in Vaticanum cum totius cleri et populi Romani frequentissima turba, maximo luctu, communique omnium immensa tristitia deportatus est, et in ipsa Beati Petri ecclesia coram majori altari tumulatus est.* » Hæc ibi de Eugenio papa, quem pluribus illustratum miraculis testatur Gosfridus hujus temporis scriptor in fine Vita sancti Bernardi.

« Porro idem Eugenius inter alia magnum inde laudem commeruit, quod munerum abstinentissimus erat, de quo ista præter asserta a sancto Bernardo habet Joannes Sarisberiensis in Polycratico : *Ampliæ memoriae et imitandæ sanctitatis summus pontifex Eugenius, quem vidisti, nullum omnino manus hominis litigantis recipiebat, aut cui liitem crederet imminentem. Unde cum in adventu suo prior quidam modicæ facultatis, cuius causam nondum audierat, ei marcham auri devotione multa instanter offerret : « Nondum, inquit, dominum ingressus es, et jam vis corrumpere dominum? » Corruptionem namque vir sanctus esse dicebat quod offerebatur judici tibi pendente. » Hæc de Eugenio Joannes Sarisberiensis.*

« Egregia de his memoria adhuc exstat Tarracinae in arce in media turri, in pariete meridiem versus, his verbis :

EUGENIVS PAPA III. HOC OPVS GLORIE IPSIVS  
MEMORIAM REPRESENTANS FIERI IVSSIT. QVI  
MIRA ANIMI.....ET HONESTI STUDIO PRÆDITVS  
REGALIA MVLTA LONGO TEMPORE AMISSA BEATO  
PETRO RESTITUIT. QVORVM DAM VITIVM IN MO-  
DVN HONESTATIS REDEGIT. NE QVID A QVO-  
QVAM PETERENT NEVE QVID A QVOQVAM ANTE  
DECISAM CAVSAM ACCIPERENT POST DECISAM  
OBLATVM QVID VERECUNDÆ ET CVM GRATIA-  
RVM ACTIONE SVSCIPIERENT. »